



PASAPENG OHNG KALELAPAK KAN ME PID COVID-19

1. I ANAHNE IANG ALE DOK EN SILASIL EN COVID-19?

E konehng ken iang ale dok wet. Dok wet pan sewese doare iuk sang COVID-19. Ma ke alehdi COVID-19 mwurin amw iang ale dok wet, ah dok wet pan kak doare iuk sang soumwahu keper tei kan. Dok wet pan pil kak doare me impomw kan sang soumwahu en COVID-19.

2. I PAN KAK ALEHDI COVID-19 SANG DOK WET?

Soh. Dok en silasil en COVID-19 me ahniki manaman sang de kohsang United States sohte kin doadoahngki mwahs me kahrehda COVID-19. Apw mwurin wihk kei pein paliwar en emen emen aramas pan kak kakehlail ih pein ih mwurin ale dok wet. Me wehwehki ke pan kak alehdi mwahs en COVID-19 mwohn de mwurin amw ale dok wet.

3. MA I ALEHDIER COVID-19 NGEHI MWAHULA, I ANAHNEHTE ALE DOK WET?

Ei. CDC patohwanme e konehng aramas en ale dok wet menda ma ke alehdier COVID-19 pwe aramas kak pilehu alehdi soumwahu e. Mehllel me paliwar en emem emen aramas me alehdi er COVID-19 pan ekis apwal en pilehu alehdi soumwahu wet, apw e pan kakete alehdi COVID-19.

4. NEI SERI PAN KAK IANG ALE DOK EN SILASIL EN COVID-19?

Soh. Study de repen kamarain pen soumwahu wet anahne doulahte mwohn atail pan kak mweidehng seri me soumpar 16 de panangih en ale dok wet.

5. E KONENG ARAMAS ME AHNIKI SOUMWAHU KEPER TEI KAN EN IANG ALE DOK EN SILASIL EN COVID-19?

Ei. E kesempwal aramas me ahniki soumwahu keper tei kan soangen soumwahu en mongiong, soumwahu en ngolungol, diabetes, de obesity en iang alehdi dok wet. Aramas me ahnikier soumwahu pwukat me keiu mengei en alehdi COVID-19.

6. E MWAHU MA PEIN DOAREPEN PALINWAR EN APWALIH SOUMWAHU DE IEN ALE DOK EN SILASIL?

Soh. Palinwar en aramas ahneki mehn do are soumwahu apw sohte mehn kadehde me kasalehda ia wen reirei en doarepen palinwar et ah pan kehlail. Dok en silasil et me keiou mwahu oh sohte keperpe. Aramas me alehdi Covid 19 kin alehdi soumwahu doar oh kin kaluwetehla aramas me kak mihmi lel sounpwong kei.

7. DAHME I ANAHNE DOK PAK 2 KI?

Ansou et, dok en silasil me kitail doadoahngki anahne aramas en ale pak 2. Keiu en dok pan sewese paliwar en kak kilehdi mwahs en COVID-19, ah keriau en dok pan kakehlail ih paliwar. Ke anahne koaros pwe ken kak doare iuk mwahu sang COVID-19.

8. I PAN KAK MEDENGI DE SOUMWAHUKIHDA DOK WET?

Kilel en ale dok wet pan kak pwarada, apw e pan kak sohrala mwurin ran kei. Kilel me pan kak pwarada iei medek wasa dok o wiawih ie, moangmedek, karakar de medek en nan paliwar. Kilel pwukat kaidehn kaselepen me ke alehdi COVID-19. Kilel pwukat iei kaselepen me dok wet wie doadoahk oh songosong en kakehlail ih paliweromwen. Ma kilel pwukat mihmihte mwurin wihk 1 de ma kilel me doar pwarada, koahl da amw toakte.

9. MIE KASUEDPEN DOK EN SILASIL OANG COVID-19?

Pwehki wini de dok et ah kapw, e pan anahne ansou oh aramas en ale dok et pwe kosou en kak wiawi oahng soumwahu kan ma mie me pan kak pwarada. Sang in kosou kan me wiawih nan clinic kan kamanalahr wini et oh soumwahu sto kin pwarada mourning wihk 8 mwurin aramas ah ale dok.

10. IA MWOMWEN AI PAN SEE ME DOK EN SILASIL SANG COVID-19 ET SOHTE KEPER?

Dok en silasil pwukat koaros kousou ehr ni clinic kan me kasauh aramas lel la nen pwehn kadehde me sohte keper en dok pwoatet ohng aramas koaros sohte lipilpil sompar de koh mehn ia. Kosou kan me wiawilahr kasalehda me sohte keperpe. CDC oh FDA pan tetehtke dok en mwurin ah kamanamanlahr oh wie doadoahk.

11. DAH I PAN WIA MA I SOUMWAHU SANG DOK ET?

Ma komw alehdi soumwahu sang (allergies) de mie soahngen dipwsou de tuhke me komw kin kehieng soumwahu, ah komw koahl 911 de kohla ni nimwen wini me karanih iuk. Komw song koahl da wasahn kihda dok de noumw toahkte ma mie maw soumwahu tikitik me sohte sohrala.

12. IAHD WEI POKON KAK ALEHDI DOK EN SILASIL OAHNG COVID-19?

Pwehki wini et ah apwal, CDC pan wehwehieng Guam Vaccine and Antiviral Prioritization Policy Committee (VAPPC) de Ohpis en apwalih Dok en silasil en Guam en koasoanehdi alahldi en dok et ni irehkan me pid sompar, kohwa soumwahu oh ire teikan me pan elehda aramas en kehieng soumwahu. Ma dok en silasil wet tohtohla ah DPHSS oh VAPPC pan sawas pene oh insenohki nehne en dok et en kak kohieng weipokon.



Ohng ire tei kan, ah komw tehk
dphss.guam.gov de koahl 311